

czu beweglichen phanden dulden wolle, dy Fricz Kuchler mag vorseczin und vorkauffen und sich sulchir schuld vor ydirmenlichen doran irholen. Actum dominica estomihi anno domini etc. XLVI^o und Kucheler sal das jar der wiszin gebruchin.

920.

ohne Datierung

Kunz Wolf bekennt eine Schuld und verpfündet ein Haus.

fol. 170v Kuncz Wolff hat bekanth, daz er schuldig sey Tolhan an dem husze, daz er òm abgekauft hat vor 19 alde ß gr, daz er òm uff tagczeit, als sy des miteynandir eyn worden sint, bezzalen sal und sulch geld mit dem selben husze vorphant. Ab er òm nicht bezzalunge tete uff dy selben tagczeit, daz er sich sulcher schuld vor ydirmenlichen irholen sal.

921.

1446 Oktober 15

Heinrich Porgkart bekennt eine Schuld und verpfündet sein Erbe.

fol. 170v Heynrich Porgkart hat bekanth, daz er schuldig sey Hanszen Trunsmide an wollen, dy er czu Brandensteyn genomen hat, 12 ß 15 gr judinhuthe, dy er òm uff den ostirmargk schirsten kunftig uszrichten und bezzalen sal. Sulche schuld hat er òm mit seyn erbe, bey der steynbrugken gelegen, vorphant, ab òm uff dy geschr(iebene) tagczeit nicht bezzalunge gesche, daz er sich sulchir synir schult vor ydirmenlichen irholen sal. Actum sabbato ante Galli anno domini etc. XLVI^o.

922.

ohne Datierung

Einigung über einen Acker und eine Wiese.

fol. 170v Actum apud proconsulem Johannem Lasan hat sich Johannes und Peter Musser, gebruder, und Peter Smid, ir swagir, vorczihen keyn Michil Syfride, irin stiffater und swer, des agkirs und wiszen hiedieszit Weisborn gelegen, daz wir von eynem czeichen uffgenommen und Michil Syfride gelihen haben etc.